

**STATUT
I
SHOQËRISË**

SWAn Corp. SHPK

Neni 1 – Emërtimi dhe shoqëria

- 1.1 Emërtimi i shoqërisë është SWAn Corp. SHPK më poshtë e quajtur “Shoqëria”.
- 1.2 Shoqëria është një shoqëri me përgjegjësi të kufizuar.

Neni 2 - Personaliteti juridik

2.1 Shoqëria fiton personalitet juridik me regjistrimin e saj në Regjistrin Tregtar, pranë Qendrës Kombëtare të Regjistrimit.

Neni 3 - Selia

- 3.1 Selia e Shoqërisë është në adresën: Rruga Milan Shuflaj, Pallati 8, Apartamenti 20, Tiranë, Shqipëri.
- 3.2 Shoqëria mund të hapë dhe mbajë zyra dhe/ose të kryejë aktivitete në vende të tjera, brenda ose jashtë Republikës së Shqipërisë si dhe të hapë ose mbyllë zyra në vende të ndryshme përveç selisë së Shoqërisë.

Neni 4 - Kohëzgjatja

4.1 Kohëzgjatja e Shoqërisë është për një periudhë kohore të pacaktuar, duke filluar nga data e regjistrimit në Regjistrin Tregtar pranë Qendrës Kombëtare të Regjistrimit.

Neni 5 - Objekti

- 5.1 Shoqëria do të zhvillojë aktivitetin si më poshtë vijon:
- Shërbime analize, marketing dhe mirëmbajtje të dhënash për Agjencitë e Siguracionit.
- 5.2 Gjithashtu, Shoqëria mund të kryejë çdo aktivitet tjetër biznesi i cili nuk është i ndaluar nga ligji i zbatueshëm në Republikën e Shqipërisë.

Neni 6 - Kapitali i Shoqërisë

- 6.1 Kapitali i Shoqërisë është në vlerën 100 (njëqind) Lekë. Pra, kapitali i Shoqërisë është 100 lekë, i ndarë në një kuotë me vlerë prej 100 (njëqind) lekë, që përfaqëson 100% të kapitalit të Shoqërisë.
- 6.2 Kapitali i Shoqërisë është tërësisht i nënshkruar dhe i pagueshëm nëpërmjet kontributeve në para nga Ortaku i Vetëm dhe zotërohet në tërësi nga Z. Andi Koçiaj, shtetas shqiptar, lindur në Fier, më 25.02.1990, mbajtës i letërnjoftimit nr. 037081679, me adresë në: Rruga Milan Shuflaj, Pallati 8, Apartamenti 20, Tiranë.

Neni 7 - Zmadhimi i kapitalit

- 7.1 Zmadhimi i kapitalit bëhet me vendim të Ortakut të Vetëm.
- 7.2 Zmadhimi i kapitalit mund të bëhet me derdhje në para ose me kontribute në natyrë. Në çdo rast shlyerja e kapitalit nëpërmjet kontributeve në natyrë duhet të shoqërohet me një raport vlerësimi për shprehjen e vlerës së kontributit në para, i cili duhet të kryhet nga një ekspert vlerësues i kontributeve në natyrë.

Neni 8 - Zvogëlimi i kapitalit

8.1 Zvogëlimi i kapitalit bëhet me vendim të Ortakut të Vetëm me propozim të Administratorit (eve), në rastin kur Shoqëria mund të pësojë humbje të tilla që ta bëjnë të domosdoshëm këtë zvogëlim.

Neni 9 - Transferimi i kuotës

9.1 Kuota ose çdo pjesë e saj mund të transferohet lirisht palëve të treta me vendim të Ortakut të Vetëm në çdo kohë nëpërmjet shitjes, trashëgimisë, dhurimit ose me çdo mënyrë tjetër të parashikuar nga ligji dhe ky statut.



Neni 10 - Kompetencat e Ortakut të Vetëm

10.1 Ortaku i Vetëm, në përputhje me legjislacionin shqiptar, mund të marrë, por pa u kufizuar vetëm në to, vendime për ndryshimin e Statutit, bashkimin me shoqëri të tjera, zmadhimin ose zvogëlimin e kapitalit, transferimin e plotë ose të pjesshëm të kuotave, emërimin dhe shkarkimin e administratorit (ëve), emërimin e ekspertit kontabël, miratimin e llogarive vjetore dhe të pasqyrave financiare, likuidimin e Shoqërisë, emërimin e likuidatorit(ëve).

10.2 Të gjitha vendimet e marra nga Ortaku i Vetëm do të regjistrohen sipas rendit kronologjik në Regjistrin e Vendimeve, të dhënat e të cilit nuk mund të ndryshohen ose fshihen. Vendimet e paregjistruara në këtë regjister janë të pavlefshme. Administratori/ët e Shoqërisë janë përgjegjës për mbajtjen e Regjistrit të Vendimeve.

Neni 11 – Administratori/ët

11.1 Administratori/ët e parë të Shoqërisë janë:

a. Z. Andi Koçiaj, shtetas shqiptar, lindur në Fier më 25.02.1990, mbajtës i letërnjoftimit nr. 037081679, me adresë në: Rruga Milan Shufraj, Pallati 8, Apartamenti 20, Tiranë.

11.2 Administratori/ët emërohet me vendim të Ortakut të Vetëm dhe do të qëndrojë në detyrë për një afat 5 (pesë) vjeçar. Administratorët/ët mund të rizgjidhen për të njëjtin afat në bazë të vendimit të Ortakut të Vetëm ose siç parashikohet në dispozitat ligjore.

11.3 Në rast të dy ose më shumë Administratorëve, Ortaku i Vetëm mund të marrë vendim për përcaktimin e zbatimit dhe kryerjes së kompetencave dhe detyrave nga një ose disa prej administratorëve, veç e veç ose së bashku.

11.4 Administratorët mund të shkarkohen nga detyra në çdo kohë me vendim të Ortakut të Vetëm.

Neni 12 - Kompetencat e Administratorit/ëve

12.1 Administratori/ët është përgjegjës për çështjet e përditshme të Shoqërisë dhe përfaqëson Shoqërinë në marrëdhënie me të tretët në përputhje me dispozitat e Statutit dhe/ose ligjit të zbatueshëm.

12.2 Shoqëria administrohet nga tre administratorë, të emëruar nga Ortaku i Vetëm. Veprimet në emër të Shoqërisë kërkojnë nënshkrimin e të paktën 1 (një) prej Administratorëve.

12.3 Të drejtat dhe kompetencat e administratorit/ëve, nëse nuk parashikohet ndryshe me vendim të Ortakut të Vetëm, do të kryhen veçmas nga secili prej administratorëve si më poshtë:

- a) të mbikëqyrë/in dhe zbatojë/në politikën e biznesit të Shoqërisë;
- b) të sigurohet/n që shoqëria zbaton ligjet dhe standardet e mbajtjes së llogarive;
- c) të shqyrtojë/në dhe mbajë/në Librat e Shoqërisë, Regjistrin e Vendimeve, dokumentet dhe aktivet;
- d) të sigurojë/në që deklarata e llogarive vjetore si dhe raportit ecurisë së biznesit dhe çdo deklarim tjetër i detyrueshëm sipas ligjit të zbatueshëm ose statutit janë kryer siç duhet;
- e) me kërkesë me shkrim të Ortakut të Vetëm, të marrë/in masa të cilat janë në kompetencë të këtij të fundit; të rekomandojë/në vendime për tu miratuar nga Ortaku i Vetëm dhe t'i zbatojë/në këto vendime;
- f) Z. Alban Haxhi, në cilësinë e tij si administrator i Shoqërisë, të hapë llogari bankare, në EUR dhe Lekë pranë të gjithë ose secilës prej bankave të nivelit të dytë në Shqipëri, sipas gjykimit të tij, në emër e për llogari të shoqërisë, si dhe të ndërmarrë, zbatojë dhe nënshkruajë të gjithë aktet dhe veprimet e nevojshme për këtë qëllim pranë bankave përkatëse, si dhe çdo veprim tjetër të nevojshëm për tu kryer gjatë aktivitetit të shoqërisë kundrejt bankave, përfshirë kryerjen e transaksioneve bankare; si dhe
- g) të ndërmarrë/in çdo detyrë tjetër të caktuar nga ligji ose statuti.

Neni 13 - Viti ushtrimor financiar

13.1 Viti ushtrimor financiar fillon më 1 Janar dhe mbaron më 31 Dhjetor të çdo viti. Përfundimisht, viti i parë financiar fillon në datën e regjistrimit të Shoqërisë në Regjistrin Tregtar dhe përfundon më 31 Dhjetor 2021.

Neni 14 - Prishja dhe shpërndarja

14.1 Për prishjen dhe shpërndarjen e Shoqërisë, në çdo kohë dhe për çfarëdolloj arsye, si dhe për likuidimin dhe për emërimin e likuidatorëve, do të vendoset sipas dispozitave të ligjit shqiptar në fuqi.



Neni 15 - Baza ligjore

15.1 Shoqëria do të zhvillojë aktivitetin e saj në përputhje të plotë me këtë Statut dhe me legjislacionin shqiptar.

15.2 Për sa nuk është parashikuar në këtë Statut, do të aplikohen normat e legjislacionit shqiptar në fushën e shoqërive tregtare dhe në veçanti të ligjit “Për tregtarë dhe shoqëritë tregtare”, të ndryshuar.

15.3 Çdo konflikt që mund të lindë në lidhje me zbatimin dhe interpretimin e këtij Statuti, si dhe çdo konflikt që mund të lind midis Shoqërisë dhe të tretëve, në rastet e përgjegjshmërisë, dhe raste të tjera, do të jetë objekt i zgjidhjes nëpërmjet vendimit të gjykatave shqiptare.

Neni 16 - Ndryshimet

16.1 Ky Statut mund të ndryshohet, rishikohet dhe/ose shfuqizohet pjesërisht ose i tëri dhe të zëvendësohet me një statut të ri me vendim të Ortakut të Vetëm.

16.2 Ky Statut është hartuar në 2 (dy) kopje në gjuhën shqipe, me vlerë të njëjtë secila.

Nënshkruar, sot më datë 02 Prill 2021.

Ortaku i Vetëm

Z. Andi KOÇIAJ

ANDI KOÇIAJ 

